

四庫全書

子部

欽定四庫全書

格致鏡原卷八十四

大學士陳元龍撰

獸類三

馬上

總論 說文馬怒也武也象馬頭髦尾四足之形 春  
秋說題辭地精爲馬 易說卦乾爲馬爲良馬爲老馬  
爲瘠馬爲駁馬震其於馬也爲善鳴爲馵足爲作足爲  
的顙坎其於馬也爲美脊爲亟心爲下首爲薄蹄爲曳

天中記漢書曰漢中四星曰天駟旁一星曰王良王良策馬車騎滿野元命苞云漢中四星曰騎一曰天駟春秋合成圖曰王良主天馬也地鏡圖銅器之精見爲馬春秋說題辭馬十二月而生應陰紀陽以合功故人駕馬任重致遠以利天下月度疾故馬善走春秋考異郵陰合於八八合陽九八九七十二二爲地地主月月精爲馬月數十二故馬十二月而生王者駕馬故字以王爲馬三才圖會馬火畜也火性健決躁速

故易乾爲馬乾陽物也故其蹄圓臥先後足起先前足  
陽病則陰勝故馬疾則臥 淮南子夫馬聾蟲也而可  
以通志氣注喻無知也 抱朴子山中午日稱三公者  
馬也 席上腐談馬健物遡逆風而行則健 中華古  
今注馬自識其駒非其駒則齧煞之 說文驚駿馬也  
以壬申日死乘馬者忌之 漢書禮樂志龍爲友注師  
古曰唯龍可爲之友耳又天馬來龍之媒注應劭曰言  
天馬者乃神龍之類今天馬已來此龍必至之效也

漢書刑法志是猶以轡而御駢突如淳注駢突惡馬也  
馬援傳御款段註款段馬名款猶緩也言形段緩也  
埤雅馬之族不一駢馬則喜前駑馬則喜後故古之  
御者駑馬以鞭爲主駢馬以轡爲主 越冀集馬有馬  
黑在腎 天中記凡兵事急能致風雨突圍而走者蓋  
有赭丹隨身耳赭丹者馬腹中所產之物用之念咒卽  
致風雨如狗寶牛黃之類 淮南萬畢術馬毛大尾親  
友自絕註取馬毛大尾置夫婦衣中夫婦自相憎矣

淮南子馬釐截玉 朝野僉載被馬咬者以燒鞭鞘灰  
塗之蓋取其相服也 韓詩外傳顏回望吳門馬見一  
匹練孔子曰馬也然則馬之光景一匹長耳故後人號  
馬爲一匹 風俗通馬一匹俗說相馬及君子與人相  
匹或曰馬夜行目明照前四丈故曰一匹或曰度馬縱  
橫適得一匹或說馬死賣得一匹帛或云春秋左氏說  
諸侯相贈乘馬束帛帛爲匹與馬之相匹耳 演繁露  
馬以匹爲數自古言匹馬皆一馬也文侯之命有馬四

匹不知當時何指韓詩外傳謂馬夜行目光所及與匹練等或曰匹言價與匹帛等不知孰是因讀劉勰文心雕龍其說爲長曰古名車以兩馬以匹蓋車有佐乘馬有驂服皆以對並爲稱雙名既定則雖單亦復爲匹如匹夫匹婦之稱匹是也 能改齋漫錄左傳昭二十五年左師展將以公乘馬而歸劉炫謂欲與公單騎而歸此騎馬之漸也 羣碎錄孔穎達曰古人不騎馬故經典不見至趙武靈王謀胡服騎射以教百姓李牧日殺

牛饗士習騎射始見於此又宋劉炫謂左氏左師展將以公乘馬而歸此騎馬之漸予按古者服牛乘馬馬以駕車不單騎也至六國時始單騎 楊慎外集古者以

馬駕車秦晉韓原之戰惠公乘小駟昭公元年晉荀吳敗狄于大鹵始毀車崇卒而單騎自此始至六國時則盡然矣蘇秦所謂車千乘騎萬匹是也鄭元解周禮大

司馬師帥執提云提謂馬上鼓

今按周禮注提馬上鼓有曲木可提而擊也

程伊川解易乘馬班如爲人馬異處皆謂單騎如今制



非也文王周公之時何嘗有單騎之說乎 演繁露宣  
和鹵簿圖有誕馬其制用色帛周裹一方氈蓋覆馬脊  
更不施鞍此其爲制必自古傳非意舛矣然名以爲誕  
則其義莫究也蔡攸輩雖加辨釋終不協當按通典宋  
江夏王義恭爲孝武所忌憂懼故奏革諸侯國制但馬  
不得過二其字則書爲但不書爲誕也但者徒也徒馬  
者有馬無鞍如人袒裼之袒也 吹萬集驕不鞍而騎  
也 玉堂叢語明文廟北征金幼孜隆馬鞍裂楊文敏

以所乘馬讓之自乘驕馬 文昌雜錄軍中以端午走

馬謂之躡柳

躡音札

席上腐談馬痛死者不可食食之

殺人而肝爲甚醫書云馬火畜也有肝而無膽木臟不足故食其肝者死 抱朴子按九鼎記及青靈經言人物之死俱有鬼也馬鬼常以晦夜出行狀如炎火 雜

俎馬鬼名賜 東觀漢記馬援於交趾鑄銅馬奏曰臣

聞行天者莫如龍行地者莫如馬臣援師事楊子阿孝武帝時善相馬者東門京鑄作銅馬法獻之立馬於魯

班門外更名曰金馬門臣既備數家骨法以所得駱越銅鑄以爲馬高二尺五寸圍四尺五寸謹獻詔置德陽殿下 研北雜志漢銅馬式藏周公謹家其初破爲數段鑄工以藥鐸柵之復完如新 史記諸名山川用駒者悉以木偶馬代之 南史齊本紀後主始欲騎馬未習其事俞靈韻爲作木馬人在其中行動進退隨意所適其後遂善騎

詳類 說文馬一歲曰騊二歲曰駒三歲曰駝八歲曰

馱高六尺曰驕七尺曰駮八尺曰龍 爾雅馬八尺爲

駮 考工記國馬之輶深四尺有七寸田馬之輶深四

尺鄭注國馬高八尺田馬高七尺 埤雅馬八歲曰馱

馬八歲一變故从八也語曰七驄八白言馬至八歲驄  
變而白矣 爾雅玄駒裏驂註玄駒小馬別名裏驂耳

或曰此即騾裏古之良馬名 爾雅青驪駟註今之鐵

驄 爾雅青驪驎驪註色有深淺斑駁隱粼今之連錢

驄 爾雅驪白雜毛鵠註今之烏驄 爾雅黃白雜毛

駟註今之桃花馬 爾雅陰白雜毛駟註陰淺黑今之

泥驄 爾雅彤白雜毛駟註卽今之赭白馬 爾雅四

蹄皆白首註俗呼爲踏雪馬 爾雅白達素縣註素鼻

莖也俗所謂漫臚徹齒 爾雅馬後足皆白名駒 漢

書郊祀志牲用駟駒注駟赤馬黑鬣尾也 郭子章馬

記黃馬黑喙曰駟今之淺黃色馬也宋明帝以駟字旁

似禍改作駟史稱文帝駟馬脊有肉鞍行則先作弄四

足 埤雅爾雅曰的顙白顙今之帶星馬也馬政論曰

顙有白毛謂之的盧又曰準上有旋毛及白毛者謂之的吻凶俗云的顙非也 埤雅爾雅曰白馬黑鬣駱廣雅曰白馬朱鬣駱今呼黃馬尾鬣一道通黑如界者爲駱蓋馬無分於黃白皆謂之駱若今衣脊絡縫故曰駱也 埤雅驊馬常小今俗謂之小馬驪馬白跨曰驪黃白曰皇純黑曰驪黃駢曰黃蒼白雜毛曰騅赤黃曰駢青黑曰騏青驪驎曰驎黑身白鬣曰頡豪骭白曰驎二目白曰魚魚今謂之環眼馬馬之最下者也 格物總論

馬武獸種族最繁駟青馬騄青驪繁鬣馬驄青白雜毛  
馬駟朱色馬踰紫色馬驥馬如鐵赤黑色駟黃脊黑喙  
馬騄與驪驪馬黃脊騄馬黃脊驢白馬黑脊驢駟皆  
馬白額駟白額至唇駟驢馬白腹踰四蹄皆白鼻馬後  
左足白騄馬尾本白駟白馬黑唇驢白額馬駟驢尾白  
馬騄馬一目白驄淺黑色駟亦黑色馬駟黑馬白面驢  
馬黑唇駟馬口黑凡此類者皆以色別之也 羣書考  
索凡馬毛色之別九十一種叱撥之別八紅耳鶩鶩桃

花丁香青騮榆紫騮青之別二純青護蘭白純白烏之  
別五純烏釣星厯面白脚護蘭赤之別五純赤釣星厯  
面白脚護蘭紫之別六純紫釣星厯面白脚綠鬃護蘭  
騮之別十一白驄釣星厯面白脚綠鬃護蘭駝之別十  
一白驄釣星厯面白脚并烏青花黃任鐵護蘭赭白之  
別五純赭白釣星厯面白脚護蘭騮之別八棗金口燕  
子黃黑釣星厯面白脚騮之別六純騮繡膊釣星厯面  
白脚護蘭騮之別五純騮釣星厯面白脚護蘭駒之別



八青赤紫黃釣星厯面白脚護蘭駘輪之別三駘起雲  
銀鍾騾之別七赤騾銀鬃黃釣星厯面白脚護蘭牝馬  
以叱撥青白紫純色及綠鬃騾爲上驄赤騾騾白赤色  
爲中在驄驄駘駘輪爲下 函史古名馬有六駘白身  
黑尾如六駘取獸中六駘武健者爲名 藻林馬高七  
尺曰蚪文選方玄蚪之奕奕 爾雅翼騾宜於牧故釋  
獸稱騾牝驄牡玄駒裏驂蓋言以騾爲牝以驄爲牡而  
生玄駒則爲裏驂也 爾雅翼騾赤馬黑鬣明堂月令

五時駕馬而駟處其二春蒼龍秋白駟冬鐵驪夏用赤  
駟中央用黃駟中央寓於季夏故所用物同而以色之  
淺深爲之別也 史記冒頓圍高祖於平城所騎西方  
盡白馬東方盡青龍北方盡烏驪南方盡騂馬

古名馬 漢禮樂志舜時景星出房地出乘黃之馬

王元長序夏后兩龍載驅璿臺之上注夏后啓有馬號  
爲兩龍乘游璿臺以饗諸侯 呂覽伊尹說湯曰天子  
須青龍之疋遺風之乘注皆馬名也馬行疾每在風前

故遺風於後也 汲冢書伊尹爲四正令正北請令以  
野馬駒駼駼爲獻 馬記山海經曰北海內有獸狀  
如馬名駒駼色青故馬之良者取以爲名駼駼生三日  
而超其母 庶物異名疏牝靡馬名趙津女娟對簡子  
曰妾聞昔者湯伐夏左驂牝驪右驂牝靡而遂放桀武  
王伐殷左驂牝驪右驂牝驪而遂克紂主君不欲渡則  
已與妾同舟又何傷乎 太公六韜商王拘周伯昌於  
羑里太公與散宜生以金千鎰得犬戎氏文馬駼身朱

鬣目如黃金項如鷄尾名曰鷄斯之乘以獻商王 周

書王會周公旦主東方所之青馬黑顛謂之母兒注馬

名 周書犬戎之馬赤鬣白身目若黃金名曰古一作吉黃

之乘成王時來獻 列子周穆王命駕八駿之乘右服

駒同驂騶而左綠耳右驂赤驥而左白義次車之乘右

服渠黃而左踰輪左驂盜驪而右山子 穆天子傳天

子命駕八駿之乘右服同驂騶而左綠耳右驂赤同驥麓

而左白同蟻薇天子主車造父爲御音泰齒音丙爲右次車

之乘右服渠黃而左踰輪右盜驪而左山子柏天主車  
叅百爲御奔戎爲右東遊於黃澤宿於西洛歌曰黃之  
池其馬歎沙皇人威儀黃之澤其馬歎玉皇人壽穀郭  
註北唐之君來見以一騮馬是生綠耳八駿皆因其毛  
色而名 拾遺記周穆王馭八龍之駿一名絕地足不  
踐土二名翻羽行越飛禽三名奔霄夜行萬里四名越  
影逐日而行五名踰輝毛色炳耀六名超光一形十影  
七名騰霧乘雲而奔八名挾翼身有肉翅遽而駕焉按

轡徐行以匝天地之域 楊慎外集八駿之名見於列

子而他書所載互有不同蒯駟漢書作華駟唐人名紫  
駟今曰棗駟綠耳一作騄駼又作錄耳赤驥又作赤驪  
宋世名好頭赤白縹縹古犧字形似牛渠黃一作駟騄  
又名翠黃又名訾黃踰輪蜀都賦所謂魚文也馬目如  
魚劉邵賦蓋如飛鶴馬似游魚山子又作岵子今之五  
明馬又名玉頂又名叱撥又名玉抱肚又名花抱肚太  
白詩所謂五花馬也古以爲奇今以爲忌曰破面孤蹄

鬼也不騎劉先主之的盧亦是此種的白也猶白頸烏  
曰的𩇑烏盜驪一曰溫驪今之鐵青色荀子作纖離又  
作淺驪盜驪言少竊驪色猶九扈名竊玄竊黃也又作  
駒栗驪栗色也後代轉名駒駝庶物異名疏劉氏音  
義云盜驪竊驪也竊淺青色八駿既因色名竊驪爲得  
之也按驪純黑色聊竊驪之色故曰淺青爲竊驪也爾  
雅疏謂竊即古淺字柳宗元八駿圖說周穆王八駿  
後之好事者爲之圖其狀甚怪咸若騫若翔若龍鳳麒

麟若螳螂然 揚雄河東賦注翠龍穆天子所乘馬也  
管子桓公乘馬虎望見而伏公問管仲對曰意者君  
乘駁馬而海桓迎日而馳乎公曰然管仲曰此駁象也  
駁食虎豹故虎疑焉 左傳唐成公有兩驢驢馬 左  
傳昭二十九年衛侯來獻其乘馬曰啓服注啓服馬名  
古今注秦始皇有七名馬一追風二白兔三躡影四  
追電五飛翾六銅雀七晨鳧 史記項羽駿馬名騅常  
騎及敗於垓下乃歌曰時不利兮騅不逝 漂粟手牘



呂后時冬月見未央宮前有一紫燕后以爲不祥使侍中陳當時逐之飛入廐內不得出值牝馬方仰首而嘶遂飛入其口中便有紫雲覆於馬首頃之而滅當時奏狀后異之詔有司專視此馬後生駒日馳數百里因號曰紫燕 西京雜記文帝自代還有良馬九匹皆天下之駿也一名浮雲一名赤電一名絕羣一名逸驃一名紫驚騶一名綠螭驄一名龍子一名驕駒一名絕塵號爲九逸 漢書李廣利爲貳師將軍伐大宛國得汗血

馬名蒲梢作天馬之歌 西域贊孝武之世蒲梢龍文

魚目汗血之馬充於黃門注孟康曰四駿馬名一云大宛馬虎脊魚目龍文鳳頸尾如蒲梢 西河舊事漢武

帝聞大宛有天馬遣李廣利伐之始得此馬有角爲奇故漢武爲賦天馬之歌胡馬感北風之思遂頓羈絕絆驤首而馳晨發京城食時至燉煌北塞山下嘶鳴而去

張騫傳西域傳云大宛國別邑七十餘城多善馬馬汗血言其先天馬子也漢書云初天子發書易云神馬

當從西北來得烏孫好馬名曰天馬及得宛汗血馬益壯更名烏孫馬曰西極馬宛馬曰天馬云 神異經西南大宛宛丘有良馬其大二丈鬣至膝尾委於地蹄如汗腕可握日行千里至日中而汗血乘者當以綿絮纏頭腰小腹以避風病其國人不纏也 宋膺異物志大宛馬有肉角數寸 隋西域圖記大宛馬騮馬烏馬多赤耳黃馬赤馬多黑耳惟耳色別自餘毛色與常馬不異 馮奉世傳宣帝時至大宛得名馬象龍而還師古

注言馬形似龍者 玄黃經大宛馬肉可以爲脯注血  
凝於器煮可食味殊美食之使人健行人善升 魏志  
滅國果下馬漢桓時獻之注高三尺乘之可於菓樹下  
行 曹瞞傳呂布有駿馬名赤兔人語曰人中有呂布  
馬中有赤兔 庶物異名疏莊子曰齊之以月題蓋月  
題額上當顙如月者所以象顙之白易曰其於馬也爲  
的顙蓋震二陰在上故爲的顙即的盧也乘之妨主馬  
之貴者的吻相馬經馬白額入口者名榆鴈一名的盧

奴乘客死主乘棄市按蜀志先主乘的盧至檀溪墜水  
備急呼曰的盧何不努力遂一躍五丈乃得過則的盧  
吉馬也 寰宇記張飛有馬號玉追時歌曰人中有張  
飛馬中有玉追 魏書張繡降而復反曹操所乘馬名  
絕影爲流矢所中 魏文帝與孫權書纖驪馬朕常所  
自乘甚調良善走數萬匹之極選乘之真可樂也中國  
雖饒馬其知名絕足亦時有之耳 獨異志魏曹彰性  
倜儻偶逢駿馬愛之其主所惜也彰曰余有美妾可換

惟君所選馬主因指一妓彰遂換之馬號曰白鶻 穆

天子傳注魏時鮮卑獻千里馬白色兩耳黃名曰黃耳

拾遺記曹洪武帝從弟有馬號曰白鶻此馬走時惟

覺耳中風聲足似不踐地數百里瞬息而至濟水足毛

不濕時人謂乘風而行一代神駿也諺曰憑空虛躍曹

家白鶻

一作白鶻

中華古今注曹真有駿馬名爲驚帆言

其馳驟如烈風舉帆之疾 竹林七賢論王戎好乘巴

驢馬 吳郡疏支遁好乘馬其最愛者名曰頻伽嘗飲

頻伽於橋下馬洩處忽生蓮花人異之故名橋曰飲馬  
南史晉安帝義熙九年高麗獻赭白馬渚宮舊事

司馬休之奔廣固慕容超欲害之休之不知常所乘騅  
馬於牀前忽連鳴不食注目視鞍因試騎射裁出門外  
便奔而馳行十里顧望所住已有收兵至矣乘馬南奔  
殆而獲免後還荊州加騅馬楊武之號晉載記苻堅  
時大宛獻天馬千里駒皆汗血朱鬣五色鳳膺麟身命  
羣臣作止馬詩而遣之示無欲也晉穆帝紀姚襄爲

秦將黃眉所敗襄所乘馬曰鷲眉騮日行千里是戰也而馬倒秦兵擒而斬之 水經注老宿諺言赫連之世有駿馬名曰白口騮 晉載記冉閔所乘赤馬曰朱龍日行千里 北史昔慕容廆有駿馬赭白有奇相逸力至雋光壽元年四十九矣而駿逸不虧雋奇之比鮑氏驄命鑄銅以圖其像親爲銘贊鐫頌其傍像成而馬死矣 南齊書楊玉夫殺蒼梧王太祖夜從承明門乘常所騎赤馬入殿內驚怖既知蒼梧王死咸稱萬歲及太



祖踐祚號此馬爲龍驤將軍世謂爲龍驤赤 小說梁武帝有良馬名照殿玉獅子 魏志突厥大畏長孫總管稱其馬爲閃電 伽藍記後魏河間王元琛在秦州遣使向西域求名馬遠至波斯國得千里馬號曰追風赤驥次有七百里者十餘匹皆有名字以銀爲槽金爲環鑲諸王服其豪富 北史王邵傳隋文帝所乘騶馬脊有肉鞍 隋書隋煬帝令李景營遼東戰具於北平賜御馬一匹名獅子騊 朝野僉載隋文帝時大宛

國獻千里馬駿曳地號曰獅子驄上置之馬羣陸梁人  
莫能制郎將裴仁基曰臣能制之遂攘袂向前去十餘  
步踴身騰上一手撮耳一手握目馬戰不敢動乃跨乘  
之朝發西京暮至東洛隋末不知所在唐文皇勅訪之  
同州刺史宇文士及得於朝邑市麵家挽磴駿尾焦禿  
皮肉穿穴及見之悲泣帝自出長樂坡馬到新豐向西  
鳴躍帝甚喜齒口並平飼以鍾乳仍生五駒皆千里足  
也後不知所在 回紇傳唐太宗時東骨利幹國產良

馬首似橐它筋骼壯大日中馳數百里太宗時來其大  
酋侯斤因使者獻之帝取其異者號十驥皆爲美名曰  
騰霜白曰皎雪驄曰凝露驄曰懸光驄曰決波驄曰飛  
霞驄曰發電赤曰流金駟曰翔麟紫曰奔虹赤厚禮其  
使 酉陽雜俎骨利幹國獻馬名決波驄者近後足有  
距 樂志唐太宗破竇建德乘馬名黃驄驄命樂工製  
黃驄疊曲 金石錄太宗六馬其一曰拳毛騮黃馬黑  
喙平劉黑闥時所乘其二曰什伐赤純赤色平世充建

德時所乘其三曰白蹄烏純黑色四蹄俱白平薛仁果  
時所乘其四曰特勒驃黃白色喙微黑色平宋金剛時  
所乘其五曰颯露紫驚驕平東都時所乘其六曰青騅  
蒼白雜色平竇建德時所乘 馬記唐開元十二年太  
原獻異馬駒其耳如筒左右各十六肋肉尾無毛二十  
九年滑州刺史李邕獻馬一匹肉鬣麟腮嘶不類馬聲  
日行三百里名曰龍子 秦再思紀異錄天寶中大宛  
國進汗血馬六匹一曰紅叱撥二曰紫叱撥三曰青叱

撥四曰黃叱撥五曰丁香叱撥六曰桃花叱撥上乃製  
名一曰紅玉輦二曰紫玉輦三曰平山輦四曰凌雲輦  
五曰飛香輦六曰百花輦復命圖於瑤光殿乃改爲觀  
驥殿 名畫要錄開元內廡有飛黃照夜浮雲五花之  
乘 明皇雜錄上所乘馬有玉花驄照夜白 異聞錄  
唐寧王善畫馬花萼樓壁上有六馬滾塵圖明皇最愛  
玉面花驄風駿雲鬣纖悉備具後失去止存五馬 柳  
宗元龍馬贊明皇在位靈昌郡得異馬於河其狀龍鱗

虺尾拳毛環目肉鬣居帝閑二十年遇禍亂帝西幸馬  
至咸陽西入渭水化爲龍游泳而去不知所終 續博  
物志千里馬寧遠所獻鬣拳紫色狀如八駿謂之紫驃  
乘者必衣裘冒絮似胡兒抱持初馳三十里則皆旁側  
難馴又馭三十里外乃駛然而去唯聞耳傍風聲如飛  
箭唐肅宗時令李泌乘之往按保定早發扶風辰達保  
定申歸奏事 杜陽雜編唐代宗廣德初范陽節度李  
德山所貢九花虬額高九寸毛拳如麟頭頸鬣鬣真虬

龍也每一嘶則羣馬聳耳以身被九花文故號爲九花虬後以賜郭子儀貞元中上西幸有二馬一號神智驄一號如意驕皆耳中有毛引之可長一尺

相馬經云耳中有毛長一

尺者曰行千里

而進退緩急皆如上意故謂之功臣國史補

德宗幸梁唯御驢馬號曰望雲驢駕還餉以一品料暇日牽而視之必長鳴四顧若感恩之狀元稹長慶集德宗以八馬幸蜀七馬道斃惟望雲驢來往不頓馬

記唐貞元中南詔獻統倫馬酉陽雜俎唐秦叔寶所

乘馬號忽雷駮常飲以酒每於月明中試能豎越三領  
黑氈及胡公卒嘶鳴不食而死 清賞錄李白有馬名  
黃芝 畫鑒韓幹八馬圖二奚官引連錢驄 天中記  
荆南節度使衛伯玉有馬名玉腕驪 廣異記唐鄭馴  
有馬曰撒豆驄 梁史太祖以愛馬一丈烏賜寇彥卿  
五代史劉旻據太原與契丹約爲父子契丹以黃驪  
馬爲聘後與周世宗戰高平敗獨乘黃驪以歸遂與黃  
驪治廐飾以金銀食以三品料號自在將軍 清異錄



魏王繼岌奉命伐蜀王衍苑馬數百皆逸足也繼岌猶  
比選之得二十許匹格價不可言其名曰麝香駒錦耳  
驄駱十二趨日驄偏界玉陷水駒長命驕孫兒驄籠菰  
白八百哥掠地雲錦地龍雪面娘月影三玉尾駒撒沙  
驕天花落旋風白罕地嬌六尺金 清異錄王昶傾金  
錢市名馬凡得五匹各有位號曰金鞍使者千里將軍  
致遠侯渥洼郎驥國公 清異錄吉祥座杜重威馬也  
肉胡牀景延廣馬也 澠水燕談宋太宗朝府州折御

鄉貢馬特異格不甚高而日行千里口旁有碧紋如雲霞因目曰碧雲霞 玉壺清詒宋太宗御厩馬號碧雲霞園人飼秣稍跛倚失恭則蹄齧吼噴怒不可解從征太原上下坂岡其平如砥下則伸前而屈後登高則反之太宗甚愛上尊餘瀝時或令飲嘶鳴喜躍 梅堯臣序碧雲駮者厩馬也莊憲太后臨朝以賜荆王王惡其旋毛太后遂畱以備上閑遂爲御馬第一以其物肉色碧如霞片故號之 邵氏聞見錄仁宗御馬名玉逍遙

色白乘之如輿輦圉人云馬行步有尺度疾徐皆中節御者行速則以足攔之李伯時天馬圖跋一匹元祐元年十二月十六日右騏驎院收于闐國進到鳳頭驄八歲五尺四寸右一匹元祐元年四月初四日左騏驎院收董氈進到錦膊驄八歲四尺六寸右一匹元祐二年十二月廿三日於左天駟監揀中秦馬好頭赤九歲四尺五寸一匹元祐三年閏月上元日汧溪進照夜白孔氏談苑神宗有馬名小烏曾以曹太后所送珠鞍

於福寧殿親試之 楓窻小牘徽廟常乘驄馬至太和  
宮前忽宣平日所愛小烏其馬至御前馬足不肯進左  
右鞭之益鳴跳不如調馴時圉人進曰此願封官耳上  
曰猴子且官供奉况使小烏白身邪勅賜龍驤將軍然  
後帖然就轡 研北雜志梅聖俞有馬名鐵獺 宋史

曲端有馬名鐵象日馳四百里 韋居安梅磳詩話姚  
興有馬名青獅每親飼之若通其語言時取斗酒投大  
盆中與馬同飲曰吾與汝同力報國紹興中竟與馬同

死於金主亮尉子橋之戰 戒菴漫筆吳興畢再遇字  
德卿宋南渡時屢立戰功嘗騎一黑馬翹俊異常號黑  
大蟲再遇甚愛之再遇卒其家以鐵絙羈之聞金鼓聲  
奮迅有赴敵意家人曰將軍死汝莫生事馬聳動汪然  
出涕哀鳴數聲而斃 岳珂程史淳熙間宿松叛民汪  
革有三馬號惺惺騶小驄騾番婆子駿甚 志林秦州  
進一馬駿如牛領垂胡側立顛倒毛生肉端蕃人云此  
肉駿馬也 宋名臣言行錄西夏有豪酋號青面夜叉

有駿馬曰赤駝爲李顯忠所擒 程史金主完顏亮常  
所御小驢號小將軍 山堂肆考元世祖時于闐國獻  
馬一曰二龍一曰鳳頭一曰花滿川 霏雪錄大德十  
年西域貢千里馬其馬食肉每旦必以羊肉酥油沙糖  
胡椒和飯秣之趙孟頫於杭州館中見之 事物紺珠  
洪武初夏明昇獻良馬十其一白者得之貴州龍坑長  
丈一尺頭高九尺足高七尺有肉隱起項下約厚五分  
廣三寸餘貫膺絡腹至尾間止精采明晃振鬣一鳴萬

馬辟易馳如躡雲賜名飛越峰又名撞倒山 庶物異  
名疏正統四年六月西域撒馬兒罕遣使進良馬色玄  
蹄額皆白賜名瑞頴詔畫史圖之 方洲雜言先朝西  
域貢馬高九尺餘頸與身等昂舉若鳳今京師人家多  
存畫本景泰末西域進白馬高如之頸亦類焉後足脰  
節間有二距毛中隱若鱗甲 畱青日札玉麟飛白玉  
馴碧玉橋照夜璧銀河練瑤池駿飛雲白皆嘉靖時天  
閑之選乘也 尸子我得民而治則馬有紫燕蘭池秀

騏逢騄

孫卿子騏驥纖離古之良馬也

廣雅馬屬

飛黃騶吾吉量朱駮飛兔金喙腰褭走狐馱飛鴻野

縻腹丹騏驥駉駉駉駉駉駉汗血驪驥巨虛騏鹿馬

賦其名則汗血山子桃騶綠耳金喙騰黃騶吾吉光蒲

稍戩服野縻蛾鹿白蟻鷄斯蜚鴻母兒遺風腰褭茲白

纖驪馬記古之名馬有曰六駮者曰騶虞者曰騰黃

者曰飛兔者曰麒麟者六駮者必其白身黑尾如獸之

六駮者也騶虞者必其白質黑文如獸之騶虞者也騰



黃者必其縞身朱鬣如獸之騰黃者也飛兔者必其龐  
然而蒼者也麒麟者必其粹然而黃者也非馬之有六  
駟騶虞飛兔騰黃麒麟也乃馬之似六駟騶虞騰黃飛  
兔麒麟也漢書王褒傳駕齧郝注良馬低頭口至郝  
故曰齧郝漢百官表昆駝令丞注昆駝好馬名也爾  
雅曰駟蹄趺善陞甌注甌上天下小駟蹄蹄如趺而健  
上山秦時有駟蹄苑神異經大宛有良馬鬣至膝尾  
垂於地名曰簫稍謂尾之長者簫稍然搖動可起朔風

庶物異名疏駁龍紫鹿文的躡魚皆馬名見陳琳武  
庫賦 劉琬馬賦吾有駿馬名曰騏雄龍頭鳥目麟腹  
虎胸尾如雲鬣耳如插筒 庶物異名疏綠蛇良馬名  
見顏延之赭白馬賦綠蛇衛轂 白六帖嚙雪飛黃中  
黃驥子並馬名

格致鏡原卷八十四

欽定四庫全書

格致鏡原卷八十五

大學士陳元龍撰

獸類四

馬下

相馬法 莊子吾相馬直者中繩曲者中鈎方者中矩  
圓者中規是國馬也而未若天下馬也天下馬者若亡  
若失若喪若一若是者超軼絕塵不知其所 呂氏春  
秋古之善相馬者寒風氏相口齒麻朝相頰子女厲相

目衛忌相髭許鄙相脤投伐褐相胸脇管青相脣吻陳  
悲相股脚秦牙相前贊君相後 伯樂相馬經馬頭爲

王欲得方目爲丞相欲得明脊爲將軍欲得強腹爲城  
郭欲得張四下爲令欲得長眼欲得高匡眼睛欲得如  
懸鈴紫艷光眼下懸蠶懸鑿欲得成鼻孔欲得大鼻頭  
欲得有王火字口中欲得赤膝骨欲圓而張耳欲相近  
而豎小而厚伏龍骨欲得成頸欲得長雙趺欲得大而  
突蹄欲得厚腹下欲得平有八字尾骨欲得高而垂

埤雅舊說相馬眼欲得有紫艷口欲得有紅光上脣欲得緩下脣欲得急上齒欲鉤鉤則壽下齒欲鋸鋸則怒耳欲如劈竹睛欲如懸鈴頭欲高如剝兔項欲起如飛龍又曰人眼鳥目鹿背麟腹虎胸龜尾擎頭如鷹垂尾如彗又曰望之大就之小筋馬也望之小就之大肉馬也前視見目傍視見腹後視見足駿馬也毛束皮皮束筋筋束肉肉束骨五者兼備天下之馬也又曰口中紅白間色者壽鼻中紅色如米點書者壽眼中赤色如字

形者壽 齊民要術相馬五藏法肝欲得小耳小則肝

小肝小識人意肺欲得大鼻大則肺大肺大則能奔心

欲得大目大則心大心大則猛利不驚目四滿則朝暮

健腎欲得小腸欲得厚且長腸厚則腹下廣方而平脾

欲得小賺腹小則脾小脾小則易養致瘦欲得見其肉

謂前肩  
守肉

致肥欲得見其骨

骨謂  
頭顱

馬龍顱突目平脊大腹

脍重有肉此三事備者亦千里馬也水火欲得分

水火  
在鼻

兩孔  
間也

上脣欲急而方口中欲得紅而有光此馬千里額

下欲深下脣欲緩牙欲去齒一寸則四百里牙劍鋒則

千里嗣骨欲廉如織杼而濶又欲長

頰下側八骨是

目欲滿而

澤眶欲小上欲弓曲下欲直素中欲廉而張

素鼻孔上

陰中

欲得平

下股

主人欲小

股裏上近前也

陽裏欲高則怒

股中上之主人

額

欲方而平八肉欲大而明

下耳

玄中欲深

下耳

耳欲小而

銳如削筒相去欲促顰欲戴中骨高二寸

顰中骨也

易骨欲

直

眼下直下骨也

頰欲開赤長膺下欲廣一尺以上名曰挾

一作

扶尺能久走鞅欲方

前頰

喉欲曲而深胸欲直而出

前脾間向



鳧間欲開望視之如雙鳧頸骨欲大肉次之髻欲桎而

厚且折季毛欲長多覆肝肺無病髮後毛是背欲短而方脊

欲大而抗胸筋欲大夾脊筋也飛鳧見者怒胸欲筋也三府欲齊

兩髀及中骨也尻欲頽而方尾欲減本欲大脇肋欲大而窪名

曰上渠能久走龍翅欲廣而長升肉欲大而明髀外肉也輔

肉欲大而明前脚腸欲充腔小腔膝季肋欲張短肋懸薄欲

厚而緩脚腔虎口欲開股肉腹下欲平滿善走名曰下渠日

三百里陽肉欲上而高起髀外近前髀欲廣厚汙溝欲深明

直肉欲方能久走

骨後肉也

輸一作輸

鼠欲方

直肉下也

腠肉欲急

脾裏也

間筋欲急短而減善細走

下筋輸鼠

機骨欲舉上曲如

懸匡馬頭欲高距骨欲出前間骨欲出前後

外髌臨蹄骨也

附

蟬欲大前後目

夜眼

股欲薄而博善能走

後髌前骨

臂欲長而

膝本欲起有力

前脚膝上向前

肘後欲開能走膝欲方而庫髀

骨欲短兩肩骨欲深名曰芙蕖怒蹄欲厚三寸硬如石

下欲深而明其後開如鷄翼能久走相馬經相馬之

法先除三羸與五駑乃相其餘大頭小頸一羸也弱脊

大腹二羸也小頸大蹄三羸也大頭緩耳一駑也長頸  
不折二駑也短上長下三駑也大髀短脅四駑也淺髀  
薄髀五駑也迴毛在目下名曰承淚不利人也口中有  
墨曰烏銜馬短壽脊欲如伏龜兩邊有迴毛曰騰蛇殺  
主 國憲家猷口中色如日月光者行千里 相馬經  
馬生下墮地無毛行千里尿舉一脚行五百里蘭筋堅  
者千里馬膝如團麴千里馬一歲上下齒二十四歲齒  
黃三十四歲齒落不復出 法苑珠林佛說馬有八態

一態者解羈韁時便掣車欲走二態者車駕跳梁欲嚙  
其人三態者便舉前兩脚掣車而走四態者便蹋車鈴  
五態者使人立持輓摩身抄車却行六態者便傍行斜  
走七態者便掣車馳走得值濁泥止住不行八態者懸  
撻餒之熟視不食其主牽去欲駕之時遽含噉啞飲食  
不得 國憲家猷馬四年而兩齒五年而四齒六年而  
六齒成矣七年而右一齒缺八年而上下兩邊各一齒  
缺九年而上下盡缺十年而下兩齒齟十一年而下四

齒齟十二年盡齟十七年上四齒齟十八年盡齟十九年上兩齒平二十年上四齒平年之長少惟馬齒最準

故人自謙曰犬馬之齒長矣

齟音舅齒如臼也

酉陽雜俎馬

體名有輸鼠外鳧烏頭龍翅虎口猪槽飼馬石灰泥槽汗溝繫門三事落駒迴毛在頸白馬黑馬鞍下腋下迴毛在脇白毛左右後足白白馬四足黑目下橫毛黃馬白喙旋毛在吻後汗溝上通尾本目赤睫亂及反睫白馬黑目目白却視並不可騎夜眼名附蟬戶肝名縣峰

亦曰雞舌 相馬經目成人者行千里注視童子中人

頭足皆見 馬記柳子晉問曰晉國名馬堅骨闌筋注

一筋從玄中出謂之闌筋玄中謂目上痕如井字闌筋

豎者千里 李燾長編元祐中西域貢馬龍顙而鳳膺

虎脊而豹章振鬣長鳴萬馬皆瘖 爾雅疏旋毛在腹

下如乳者千里馬也旋毛在肘後者名減陽幹脅也旋

毛在脅者名第方旋毛在背者名闕廣 全雅馬之駿

者溺皆射前足 東觀漢記聞武帝歌天馬治赤汗今

親見其然血從前膊上小孔中出 漢書烏秬國出小  
步馬注孟康曰種小能步也師古曰小細也細步言其  
能蹠足即今所謂百步千跡者也豈謂其小種乎 集  
異記寧王得二馬其一價一千緡一五百緡坐客觀之  
不相上下莫測其價之懸殊寧王令驗之馳驅數四乃  
顧千緡者曰此馬緩急百返蹄下不起纖塵復顧五百  
緡者曰此馬往來十過足下頗生塵埃以此品其高下  
焉 淮南子曰之行也不見其移也騏驥背日而馳草

木爲靡懸峰爲薄而日在其前矣注懸峰馬蹄下雞舌也海客日談子過其父爲跨竈解者紛紛聞邊徼中相馬者言馬前蹄之上有兩空處名曰竈門凡善走之馬前蹄之痕印地則後蹄之痕反在前蹄之先故軍中人謂之跨過竈門本草綱目馬夜眼在馬足膝間有此眼能夜行故名凡卒死尸厥用白馬前膝夜目二枚白馬尾十四莖合燒爲末以苦酒丸如豆粒湯灌下二丸卽甦



產馬處 山海經羆差之山多馬 山海經夸父之山  
北有林焉名曰桃林中多馬造父於此得驊騮耳之  
乘獻周穆王 寰宇記晉石樓有屈產泉相傳昔有白  
馬母飲茲泉生得龍駒春秋曰晉屈產之乘蓋此地生  
良馬也 武帝紀元狩二年夏馬生余吾水中在朔方  
北元鼎四年秋馬生渥洼水中注南陽新野有暴利長  
當武帝時遭刑屯田敦煌數於此水傍見羣野馬中有  
奇者與凡馬異來飲此水利長先作土人持勒絆於水

傍後馬旣玩習之遂持勒絆收得其馬獻之欲神異此馬云從水中出 述異記漢樂浪郡出果下馬高三尺虞衡志德興產果下小駟以瀧水者爲最高不踰三尺駿者有兩脊骨 孔六帖磨鄰有千里馬傳爲龍種洽聞記浴馬港疎水流也漢時有馬數百匹出其中馬形皆小似巴滇馬遂名其孔爲馬穴初得此馬乘出汚水上浴之遂名其處曰浴馬溉汚頓宿今名騎亭三國時陸遜攻襄陽又值此穴中有馬十匹遜載還建業

杜陵集山東產健馬下者日馳二百里所以兵常當天下資暇錄成都府出小駟以其便於難路號爲蜀馬今宣城郡亦有小馬時人皆呼爲宣州蜀馬語習不悟良可笑焉有似中宗時時人呼姚丞相爲陝州吳兒

同州桂  
摩亦然

羣書考索凡馬以生於黃河之中子河汶者爲善種出環慶者次之秦渭馬雖骨格高大而蹄薄多病文雅諸州爲下止給本處兵給充鋪馬犂丹馬骨格頗劣河北孳生者曰本羣馬因其水土服習而少疾又

泉福州及興化軍亦有州嶼馬皆低弱不堪披甲惟以  
給本道廂軍及江浙諸處鋪馬用之 馬記紹興七年  
五月廣右進出格馬十匹上畱其一餘付殿前司上曰  
馬之良者不必西北 華陽國志滇池縣有澤水周迴  
二百里所出深廣下流淺狹似如倒流故俗曰滇池長  
老傳言池中有神馬與家馬交則生駿駒世稱滇池駒  
日行五百里 一統志瀧水縣出者爲最高不踰三尺  
駿者有兩脊骨號雙脊馬健而能行 海槎餘錄馬產

於海南者極小只可作之驢騾而身稍長耳毛片不殊  
于中州當少剪鬃時極駿可愛然騎駛則無長力上等  
價可四兩尋常價不出二兩 南蠻傳越駝之西多薦  
草產善馬世稱越駝駝始生若羔歲中紐莎縻之飲以  
米藩七年可御日馳數百里 一統志龍馬泉在西和  
縣每春夜牝馬飲泉自然懷駒初無毛色以氈裹之經  
數月生毛不三歲與大宛馬同 崔鴻十六國春秋驍  
騎將軍呂光封西域王上疏曰唯龜茲據三十六國之

中天驥龍驤腰褭丹髦萬計盈廐雖伯益更生衛賜復  
出不能辨也 隋書吐谷渾有青海周廻千餘里中有  
小山其俗至冬輒放牝馬於其上言得龍種嘗得波斯  
草馬放入海因生驄駒日行千里故時稱瀚海驄馬

回紇傳黠戛斯古堅昆國也畜馬至壯大以善鬪者爲  
頭馬 癸辛雜志西域有馬高丈餘人皆行於馬腹下  
往來無碍 太平廣記吐火羅國波訛山陽石壁上有  
一孔恒有馬尿流出至七月平旦石崖間有石閣道便

不見至此日厭噓人取草馬置池邊與集生駒皆汗血  
日行千里今名無數頗梨隨西域中浴須臾即回 天  
中記朝鮮有麒麟窟在平壤府浮碧樓下東明王養麒  
麟馬處也世傳王乘麒麟馬入窟從地中出朝天石升  
天至今石上有馬跡

養馬 周禮馬質禁原蠶注原再也天文辰爲馬蠶書  
蠶爲龍精月直大火則浴其種是蠶馬同氣物莫能兩  
大禁再蠶者爲傷馬歟 禮月令季春合羣牛騰馬游

牝于牧註騰馬方春通淫乘匹故超騰使牡就牝欲孳生蕃也 禮月令仲夏游牝別羣則繫騰駒注季春妊孕已遂故仲夏不使同羣拘繫騰躍之駒防踴齧也

顏氏家訓詩駟駒牡馬江南本皆作牝牡之牡河北悉爲放牧之牧鄴下博士見難云駟頌既美僖公牧于坰野之事何限驛驚乎余答云按毛詩駟駒良馬腹幹肥張也若作放牧之意通於牝牡則不容限在良馬獨得駟駒之稱良馬諸侯以充朝聘郊祀必無驛也今以詩



傳良馬通於牧驥恐失毛氏意 漢書孝景時街巷阡陌馬成羣乘牝牝者不得聚會 孔氏雜說俗呼牝馬爲課馬出唐六典凡牝四游五課羊則當年而課之課爲歲課駒犢 席上腐談牝地馬羣每一牝將十餘牝而行牝皆隨牡而不入他羣 周禮夏官春祭馬祖執駒夏祭先牧頒馬攻特秋祭馬社臧僕冬祭馬步獻馬講馭夫注馬祖天駟星也先牧始教人牧馬者馬社廐中土臧馬步神爲災害馬者講擇其良者以獻於王也

周禮趣馬掌贊正良馬巫馬掌養疾馬庾人掌十二  
閑之政教以阜馬圉人掌芻牧以役圉師凡大祭祀朝  
覲會同毛馬而頒之凡軍事物馬而頒之註毛馬齊其  
色物馬齊其力 禮書天子十二閑馬六種每馬一圉  
每乘一師三乘馬十二匹三阜爲繫三十六匹六繫爲  
廐二百一十六匹六廐成校校有左右則十二廐合三  
千四百五十六匹種各一廐廐有左右則一種四百三  
十二匹良馬五種則合二千一百六十匹又駑馬一種

三良馬一種之數則爲千二百九十六匹五良一駑凡  
三千四百五十六匹邦國六閑四種家四閑二種蓋諸  
侯及大夫廐無左右則良馬三居三廐合六百四十八  
匹駑馬三良馬一種之數居三廐亦六百四十八匹凡  
千二百九十六匹家四閑二種一良居一廐二百一十  
六匹駑三之居三廐爲六百四十八凡八百六十四匹  
諸侯六閑彼衛文公之駉牝三千齊景之馬千駟三千  
則近於天子十二閑之數而千駟又過之是皆僭侈而

違禮者也

周禮校人掌王馬之政辨六馬之屬種馬

一物戎馬一物齊馬一物道馬一物田馬一物駑馬一物注種馬馬之善育者玉路駕種馬戎路駕戎馬金路駕齊馬象路駕道馬田路駕田馬駑馬給宮中之役

禮月令季秋天子教于田獵命僕及七駟咸駕注僕戎僕天子馬有六種各一駟主之并總主六駟者爲七駟也皆以馬駕車 漢百官表家馬令丞尉師古注家馬者主供天子私用非大祀事軍國所須故謂之家馬

也 孔六帖飛龍廐曰以八馬列宮門之外號南衙立  
仗馬 杜詩注唐令諸掌牧馬以小官字印左膊以年  
辰印印右髀以監名依左右廂印印尾側至二歲起者  
量其強弱漸以飛字印左廂髀膊細馬俱以龍形印印  
項左官馬賜人者以賜字印配諸軍及符傳送驛者以  
出字印並印右頰 唐六典凡外牧進良馬印以三花  
飛鳳之字而為誌馬尚乘奉御掌內外閑之馬辨其麤  
良而率其習教六閑一曰飛黃二曰吉良三曰龍媒四

曰駒駖五曰駃騠六曰天苑左右凡十有二開分爲二  
廐一曰祥麟二曰鳳苑以繫飼馬 名畫要錄開元天  
寶間承平日久世尚輕肥多愛三花飾馬郭若虛家藏  
貴戚閱馬圖中有三花馬蘇大參家有韓幹畫三花御  
馬晏元獻家藏一畫號國出行圖亦有三花馬三花者  
剪綜爲之辨 杜甫詩蕭蕭千里馬箇箇五花文註馬  
鬣剪爲五花或三花象天文王良星也 羣書考索六  
邊長吏擇牙吏入蕃招募良馬詣京師至則估馬司定

其直御馬有三等祇應馬引駕馬從馬其次給用又有  
十五等一簡中馬二不得久使馬三添價馬四國信馬  
五臣寮馬六諸班馬七御龍直馬八捧日龍衛馬九拱  
聖馬十驍騎馬十一雲騎馬十二天武馬猛馬十三雜  
配事馬十四雜使馬十五馬鋪馬 羣書考索凡馬羣  
之號十七字左驤驥院捧日馬內瓦倒印驍騎馬內中  
溝橫印龍猛馬外尾側正印干字左驤驥院龍猛馬內  
溝正印雜使馬內溝橫印遞馬內瓦倒印右驤驥院雜

使馬外瓦橫印遞馬外尾側橫印上字左騏驎院給諸班直諸軍員馬臨時印無定所立字右騏驎院給諸班直諸軍長行馬外人所印永字左騏驎院給諸班直諸軍長行馬外人所印又諸監三歲馬亦永字印瓦骨官字蕃戎所貢之馬及歲時所市之馬初用之牡印其項牝印其頂諸監牧駒主歲亦如之凡馬骨相應圖法可充御馬者以官字印其項令圉師調習之吉字兩院諸馬自龍猛馬已上稍駟駿者印以備近臣中謝生辰所



賜及揀選支用又坊馬部至京選配他處亦以吉字印  
汗溝天宇國信馬及諸班拱聖驍騎馬舊用天宇印

楊鉅翰林志學士初入院賜馬一匹謂之長借馬 羣

書考索周之汧渭魯之坰野漢之樓煩唐之沙苑此西  
北牧馬之地也六朝置區於閩越藏之內地錢氏置監  
於婺女號爲馬海此東南牧馬之地也 述異記東海

島龍川穆天子養馬處有龍芻草馬食之一日行千里

漢書衛綰奏馬齒未平不得出關 酉陽雜俎瓜州

飼馬以蕢草沙州以茨其涼州以勃突渾蜀以稗草以  
蘿蔔根飼馬馬肥安北飼馬以沙蓬狼針博物志馬  
食穀則足重不能行國憲家猷秣馬之法必視其齒  
歷勞逸而調息之潛確類書元文宗時雲南行省言  
亦乞不薛之地牧馬歲給鹽以每月上寅日噉之則馬  
俱無病比因伯忽叛亂雲南鹽不到馬多病死詔命四  
川行省以鹽給之續秘笈凡馬至秋高則甚肥此而  
急馳驟之不三舍而馬斃矣以其廩未實也於是擇其

尤良者加以控馬之方每日步馬二三十里俟其微汗則繫其前足不令之跳踴躑躅也促其銜轡不令之飲水齟草也每日午後控之至晚或晚控之至黎明始散之牧場中至次日又復如是控之至三五日或八九日則馬之脂膏皆凝聚於脊其腹小而堅其臀大而實向之青草虛臆至此皆堅實凝聚卽盡力奔走而氣不喘卽經陣七八日不足水草而力不竭 獨異志東晉大將軍趙固所乘馬暴卒令三十人悉持長竿東行三十

里遇丘陵社林即散擊俄頃擒一獸如猿持歸至馬前  
獸以鼻吸馬馬起躍如舊今以獼猴置馬廐此其義也  
南部新書劉三復能記三生事云曾爲馬馬常患渴  
望驛而嘶傷其蹄則連心痛後三復乘馬過磽确之地  
必爲緩轡有激石必去之 珍珠船接伴使耶律永興  
副姚跂回張向問北馬有割去肺者遂無病能行果否  
云有之其法飲以醇酒於腋間破之 抱朴子韓子治  
嘗以地黃甘草啖五十歲老馬以生三駒又百三十歲

乃死 史記楚莊王有愛馬衣以文繡置華屋下席以  
露牀啗以棗脯 馬癖記王武子好馬非馬不行正旦  
則柳葉金障泥上元則滿月韉清明則剪水鞭重午則  
籠嬌鞍中秋則玉櫳總絡頭重陽則蟬兒鐙春秋社則  
塗金鞍冬至則嘶風鐙除日則藥玉鞍每節則飼馬以  
明紗豆薔薇草 三國典略北齊高緯御馬皆藉以氈  
罽被以金玉食物有十餘種號爲駁龍儀同其將合牝  
牡則設青廬黼帳 唐書王毛仲高麗人從帝東封取

牧馬數萬匹每色一隊相間如錦繡天子才之

舞馬 山海經大樂之野夏后啓於此舞九代馬乘兩

龍 曹植獻文帝馬表臣於先武皇帝世得大宛紫騮

馬一匹形法應圖善持頭尾教令習拜今輒已能又能

行與鼓節相應謹以奉獻 宋書宋大明五年吐谷渾

拾寅遣使獻舞馬 張裕傳梁武天監四年襍飲華光

殿其日河南國獻赤龍駒能拜伏善舞 珊瑚鉤詩話

唐開元中教舞馬四百蹄衣以文繡飾以珠玉和鸞金

勒星粲霧駁俯仰赴節曲盡其妙每舞藉以巨榻樂  
志玄宗嘗以馬百匹盛飾分左右施三重榻舞傾杯數  
十曲壯士舉榻馬不動樂工少年姿秀者十數人衣黃  
衫文玉帶立左右每千秋節舞於勤政樓下明皇雜  
錄玄宗教舞馬分爲左右部有名稱曰某家驕其曲曰  
傾盃樂數十馬皆衣以錦繡絡以金鐸每樂作奮首鼓  
尾縱橫應節祿山取數十匹歸范陽後爲田承嗣所得  
不知其伎也一日大饗樂作馬聞樂而舞廐人以爲妖

擊之而斃焉 演繁露唐中宗景龍文館記已有舞馬  
非明皇勅教也 杜氏通典鳳花廐有蹀馬俯仰騰躍  
皆合節奏 稗史類編唐宴吐番蹀馬之戲皆五色彩  
絲金具裝於鞍上加麟首鳳翅樂作馬皆隨音蹀足宛  
轉中節

異馬 孝經援神契王者德至山陵則澤出神馬 漢  
書音義騶裏者神馬也赤喙黑身 瑞應圖乘黃王者  
輿服有度則出飛免者神馬之名也日行三萬里禹治



水勤勞歷年救民之害天應其德而至符瑞圖騰黃者神馬也其色黃王者德御四方則至一名吉光此馬無死時一名乘黃亦曰飛黃或作吉黃或曰翠黃一名紫黃其狀如狐背上有兩角出白民之國乘之壽三千歲黃帝乘之淮南子黃帝治天下飛黃服阜洞冥記東方朔遊吉雲之地越扶桑之東得神馬高九尺股裏有旋毛如日月狀如月者夜光如日者晝光毛色隨四時之變帝問朔曰昔西王母乘靈光之輦以適東王

公之舍稅此馬於芝田而食芝草王公怒棄馬於清津  
天岸臣至王公壇因騎而返繞日三匝此馬入漢關關  
已半掩帝問其名曰步景 文苑英華梁太清元年四  
月神馬出五月丁酉朔詔以馬寶示羣臣 漢書注大  
宛國有高山其上有馬不可得因取五色母馬置其下  
與集生駒皆汗血因號曰天馬子云 華山志玉女祠  
有馬一匹神靈異常夜聞嘶噉之聲頂上隱者常見之  
郭子章馬記伏羲時龍馬負圖出河遂則其文以畫

八卦 漢書注乘黃龍翼馬身黃帝乘之而仙 尚書  
中候堯時龍馬銜甲赤文綠色臨壇上甲似龜廣袤九  
尺圓理平上五色文有列星之分斗政之度帝王錄紀  
之 瑞應圖龍馬者仁馬也河水之精高八尺五寸長  
脰身有鱗甲骼上有翼旁有垂毛鳴聲不哀蹈水不沒  
有明王則見也 太平清話許松臯云河圖龍馬旋毛  
若初生小兒髮 列子舜駕五龍馬行康衢 洞冥記  
脩彌國有馬如龍名曰藏空謂騰虛逐日藏形空中惟

聞聲也 遯中開山圖隴西神馬山有淵池龍馬所生

韻府續編青海之傍馬多龍種號龍孫 西域傳箇

失密出龍種馬世傳地本龍池龍徙水竭故往居之

馬記金龍池在馬邑縣後魏時池有二龍化馬一驪一

黃遇天陰晦輒出民間牝馬遇之生駒神駿或有角如

鹿茸然又唐王昌遇落魄仙授以道術歸呼馬送之瞬

息至家馬化爲龍入瀘川澤中又峨眉縣昔有一馬馳

走如飛邨民攫捕傷足投之池中一夕雷雨大作劈山

而去 唐書天寶中隴右節度皇甫惟明奏龍支縣人  
庫狄孝義有馬生龍駒經九旬有九日身有鱗而不生  
毛臣就檢視時有慶雲五色遙覆馬上久而不散請付  
史官 一統志貴州養龍坑有靈物藏其下當春初夷  
人立柳坑畔擇牝馬繫之已而雲霧晦冥類有物與接  
其產必龍駒 馬記明永樂庚子冬十月山東諸城縣  
民崔友諒以龍馬來獻其色青蒼肉駿隱起背有奇文  
交互錯綜若龍鱗然赤鬣肉尾麟臆鳳膺教腴潤澤狀

甚奇異詢諸其民云所居之地有潭瀕海深不可測時  
有神物蜿蜒雲霧之中隱見潭上家有牝馬恒牧於茲  
忽一夕風雲驟作遂產此馬若有神異撫呵光彩照耀  
上燭霄漢遠邇嗟異咸曰此龍馬也宜聞於朝以彰天  
庥爲千萬世太平之光 蜀志馬鳴溪昔土人鄭氏牧  
溪上馬產龍駒四蹄利爪朱駿頰尾高七尺振鬣長鳴  
躍於水故名 瑞應圖玉馬者王者清明尊賢則至  
瑞應圖玉澤馬者師曠時來 爾雅野馬注如馬而小

出塞外 說文駢騷野馬出北海形似鹿 天中記瑞  
應經云佛生之日王家青衣復產一兒廐中白馬亦乳  
白駒奴字車匿馬曰捷陟王常使隨太子本起經云其  
駒毛色純白駿驕貫珠名爲蹇持奴曰闡持 起世經  
轉輪王有紺馬之寶名婆羅訶色青體尾毛悅澤頭黑  
髮披有神通力騰空而行日初出時乘此馬寶周流大  
地還至本宮乃始進食 神異記西海有白馬朱髦河  
伯使者乘之如飛所至之國雨水滂沱 鳥獸續考山

馬形如鹿差黑二角眼下復有二眼日閉夜開以燭物  
海語海馬色赤黃高者八九尺逸如飛龍山食而宅  
海蓋龍種也東南島夷老於泛海者間一見云 楊文  
公談苑海馬骨水火俱不能毀惟漚以腐糟隨毀徐鉉  
得海馬骨上脰可長三尺腦骨若斷柱積柴焚三日不  
動以腐糟繞漚之遂爛焉 華陽國志會無縣有元馬  
祠家人牧山下或產駿駒元馬子也 山海經一臂國  
有黃馬虎文一目而一耳 寰宇記電白海中出驂馬



似馬而牛尾 禮斗威儀君乘火而王南海輸駁馬

山海經敦頭之山中多騂馬牛尾白身一角音如虎滑  
水中多水馬如馬而文臂牛尾其音如呼 周書王會

解俞人雖馬注俞東北夷雖馬舊如馬一角 周書義

渠茲白者白馬鋸齒食虎豹

馬異 廣博物志周幽王生之歲有馬化爲狐 史記


秦孝公二十一年有馬生人昭公二十年牡馬生子而  
死 搜神記漢文帝十二年吳地有馬生角在耳前上

向右角長三寸左角長二寸皆大二寸漢哀帝建平三年定襄有牡馬生駒三足隨羣飲食五行志以爲馬國之武用三足不任用之象也晉大興二年丹陽郡吏濮陽演馬生駒兩頭自項前生別生而死此政在私門二頭之象也其後王敦陵上晉書武帝太熙元年遼東有馬生角在兩耳下長三寸愍帝建興二年九月蒲子縣馬生人南史陳太建四年西衡州獻馬生角搜神記魏齊王嘉平初白馬河出妖馬夜過官牧邊嗚呼

衆馬皆應明日見其迹大如斛行數里還入河 靈鬼  
志陳安爲河間王顥給使甚壯健常乘一馬駿快非常  
後馬死雙赤蛇出其鼻 唐五行志大和九年易定馬  
飲水因吐珠一以獻 北夢瑣言路巖成都移渚宮所  
乘馬忽作人語且曰蘆荻花此花開後路無家不久及  
禍 葛洪神仙傳章震號王子能以泥作馬日行千里  
大唐奇事京洛富人王武者得一馬白色如一團美  
玉其鬃尾赤如朱馳驟之駛非常馬得及武將以獻大

將軍薛公其馬忽於廐中大嘶一聲後化爲一泥塑之馬立焉武大驚訝遂焚毀之南渡錄康王宋徽宗第九子質於金間道奔竄倦息崔府君廟有馬在側王躍馬南馳一日行七百里河旣渡而馬不前下視之乃泥馬也存心錄宋高宗紹興二十六年成都郫縣地出銅馬高三尺工制甚精中宵風雨忽聞嘶聲時以帝忘金人之仇而神怒也渚宮故事宋沈攸之爲荊州刺史廐中有羣馬每夜輒騰擲驚嘶攸之令人於樞邊伺

之見一白駒以繩縛腹超軼如飛掩之不及視廐猶闔  
蹤入閣內問內人惟愛妾馮月華臂上玉馬以綠繩穿  
之臥輒置枕下夜或失所在旦則如故視其蹄果有泥  
迹攸之亡不知所往聞奇錄沈傳師爲宣武節度使  
堂前忽馬嘶其聲甚近似在堂下掘之深丈餘得一玉  
馬高三二寸長四五寸嘶則如壯馬之聲其前致碎硃  
砂貯以金槽糞如菰豆而赤如金色沈公恒以硃砂餵  
之



格致鏡原卷八十五

欽定四庫全書

子部

格致鏡原卷八十六  
七

詳校官中書<sub>臣</sub>羅錦森

侍讀<sub>臣</sub>孫球覆勘

總校官中書<sub>臣</sub>朱 鈐

校對官原任典簿<sub>臣</sub>郭祚熾

謄錄監生<sub>臣</sub>楊其梓



欽定四庫全書

格致鏡原卷八十六

大學士陳元龍撰

獸類五

牛

總論 說文牛為大物天地之數起於牽牛 易坤為  
子母牛 嵩高記山有大松或千歲其精變為牛 造  
化權輿坤陰物也牛故蹄圻陰病則陽勝故牛疾則立  
牛陰物故起先後足卧先前足 席上腐談牛順物乘

順風而行則順 埤雅牛耳無竅以鼻聽也牛之為物  
病則耳燥安則溫潤而澤故古之視牛者以耳管子云  
凡聽宮如牛鳴竅中牛含宮聲柳子以為黃鐘在脰也  
義訓牛之聲曰牟 周禮內饗掌共后及世子之膳  
羞辨腥臊羶香之不可食者曰牛夜鳴則廝注廝臭也  
牛夜鳴則反常其肉必臭 王制諸侯無故不殺牛註  
穀者民之命牛植穀故王法禁殺 天中記世本曰脰  
作服牛脰黃帝臣也又曰少昊時人始駕牛 山海經

稷之孫曰叔均是始作牛耕注始用牛犁也 宋祁筆

記古者牛唯服車書曰犖牽車牛易曰服牛乘馬漢趙過始教人用牛耕王弼傳易曰牛稼穡之資是不原漢始牛耕之意 嶺表錄異瓊州不產驢馬人多騎黃牛亦飾以鞍韉加之銜勒可騎者皆自小習其步驟甚穩快 周禮封人掌飾其牛牲設之楅衡置鞮供其水藁注楅衡所以持牛令不觸人也 庶物異名疏楅衡易所謂牯者也說文施橫木於牛角以防其觸鄭玄謂楅

設於角衡設於鼻如楸狀釋云如楸狀者漢時有置於  
犬之上謂之楸故舉以況衡升菴云楸音加今曰闕簡  
字書闕出頭貌 周官牛人掌養國之公牛以待政令  
祭祀供享牛求牛賓客供積膳牛饗食供膳羞牛軍事  
供犒牛喪事供奠牛軍旅供兵車之牛 禮帝牛不吉

以為稷牛帝牛必在滌三月稷牛惟具所以別事天神  
與人鬼也天子以犧牛諸侯以肥牛大夫以索牛 溪  
蠻叢笑客多行桃源路洞中占軍事勝負及疾病祈禳

皆以牛用名例牛 白樂天詩鄭牛識字五常歎注諺

云鄭玄家牛觸牆成八字 左傳鼯鼠食郊牛角改卜

牛鼯鼠又食其角乃免牛 禮王制祭天地之牛角繭

栗宗廟之牛角握賓客之牛角尺註如繭如栗犢也角

未出也握手可握也尺者取肥大而已 考工記角長

二尺有五寸三色不失理謂之牛戴牛註三色本白中

青末豐也牛戴牛謂所戴之角又有一牛之直也 爾

雅北方之美者有幽都之筋角焉註幽都山名謂多野

牛筋角 本草李時珍曰角尖中堅骨一名骨胎言在角內也 北史桓帝英傑魁岸馬不能勝常乘安車駕大牛牛角容一石 教英東谷贅言宋南渡詔市牛筋五千斤李椿奏曰一牛之筋纔四兩是欲屠二萬牛也遂止 劉敬叔異苑山陰有人常食牛肉左脾便作牛鳴每勞輒劇食乃止 本草牛黃出林縣凡牛有黃者毛皮光澤睛色如血時鳴吼而好照水人以盆水承之伺其將吐乃喝迫之即墮水中如雞子黃大重疊可揭

輕盈而香摩爪甲上其色不落者佳若殺死在角中得者名角黃心中得者名心黃肝膽中得者名肝黃石藥爾雅牛乳汁一名蠹蠕漿北史魏王琚以年老拜散騎常侍養老於家常飲牛乳色如處子談苑高若訥能鑿以鍾乳飼牛飲其乳後患血痢卒或云冷煖相薄使然續秘笈牛羊之乳凡為酥為酪為餅皆取給焉取牛乳則俟犢能齧草遂隔別之日取其乳至夜始令母子相聚也珍珠船錫蘭國不食牛肉止食其乳

牛死即埋之私宰者罪死或輸金如牛首以贖罪爾

雅旄謂之龍註旄牛尾也 晉書夫餘國若有軍事殺

牛祭天以其蹄占吉凶蹄解者為凶合者為吉 五經

鉤沉東夷之人以牛骨占事呈示吉凶無往不中牛非

含智之物骨有若此之效 幽明錄淮牛渚津水極深

無可算計人見一金牛形甚瑰壯以金為鑠絆 續漢

書十二月立土牛六頭於國都郡縣城外丑地送大寒

李涪刊誤月令出土牛以示農耕之早晚謂於國城



之南立土牛其言立春在十二月望策牛人近前示其  
農早也立春在十二月晦及正月朔策牛人當中示其  
農中也立春在正月望策牛人在後示其農晚也今天  
下州郡立春日制一土牛飾以文彩即以綵杖鞭之既  
而碎之各持其土以祈豐稔不亦乖乎 蜀紀秦惠王  
欲伐蜀乃刻五石牛置金其後蜀人見之以為牛能使  
金此天牛也使五丁力士拖牛成道秦得道通石牛力  
也 崔鴻趙錄石虎末洛陽西北九里石牛在青山上

忽鳴聲聞三十里遣人打落兩耳及肩鐵釘四脚 郡

國志貴州有洞池下有石牛時出池間則歲旱 廣州  
記州有石牛每旱殺牛以血和泥泥石牛背既畢即雨  
泥盡方止 諸葛亮集水牛者方腹曲頭一脚四足頭  
入腹中舌著於腹載多則行少則否宜可大用不可小  
使

別名 曲禮凡祭宗廟之禮六牲牛曰一元大武註元  
頭也武足迹牛肥則迹大 演繁露牛羊豕具為太牢

但有羊豕而無牛則為少牢今人獨以太牢名牛失之矣  
清異錄天成長興中以牛者耕之本殺禁甚嚴有  
盜屠私販不敢顯其名宛稱曰格餌 合璧事類劉訓  
者京師富人時春遊以觀牡丹為勝賞訓邀客賞花乃  
繫水牛數百在前指曰此劉氏黑牡丹也 廣記南山  
牛自稱桃林班特處士 抱朴子山中丑日稱書生者  
牛也知其名則不能為害 清異錄陽翟莊舍有田老  
者謂牛為黃毛菩薩 雜俎北虜之先索國有泥師都

二妻生四子一子化為鴻遂委三子謂曰爾可從古旃  
古旃牛也三子因隨牛牛所糞悉成肉酪 世史正綱  
虜呼牛為不花 梵書瞿摩帝牛也

詳類 說文牡畜父也從牛土聲牯特牛犢牛牝畜母  
也從牛匕聲犢牛子也犝二歲牛也犖三歲牛也犝四  
歲牛也犖騰騾牛也犖白黑雜毛牛也犖犖牛也犖牛  
白脊也犖黃牛虎文也犖駁牛也將牛白脊也犖牛文  
駁如星也犖牛黃白色也犖黃牛黑唇也犖白牛也犖

牛長脊也犛牛徐行也犛牛息聲也一曰牛鳴犛牛純色也牯牛馬牢也牯以芻莖養牛也犛牛柔謹也郭璞爾雅註犛無角牛犛豎角牛犛黑脣牛黑背犛黑耳犛黑腹牧黑脚犛體長犛絕有力欣犛說文牛赤色曰犛又曰犛黃曰犛黑曰犛又曰犛牝牛曰犛牡牛曰犛特又曰犛又曰牯又曰犛又曰犛水牛曰犛呂忱字林狗牛鳴也犛野牛也犛牛具齒也爾雅牛七尺為犛易大畜童牛之牯漢書朱家傳乘不過犛牛注

晉灼曰輶輓也輶牛小牛也周書成王時西夷貢

獻卜盧紈牛孔晁註紈牛牛之小者汲冢周書紈牛

牛之小者穆天子傳天子飲於文山有獻良駟牝

音方

牛二此牛能行沙中如橐駝洞冥記元封三年大秦

國貢花蹄牛其色駁高六尺尾環繞其身角端有肉蹄

如蓮花善走多力帝使輦銅石以起望仙宮迹在石上

皆如花形拾遺記魏文帝迎美人薛靈芸駕青色駟

蹄之牛日行三百里乃尸塗國所獻足如馬蹄世說

王君夫有牛名八百里駁常瑩其蹄角 桓譚新論夫  
畜生賤也然有尤善者皆見記識故馬稱驊駟驥騄牛  
譽郭椒丁櫟 南史陳顯達家既豪富諸子與王敬則  
諸兒並精車牛麗服飾當世快牛稱陳世子青王三郎  
烏呂文顯折角江瞿曇白鼻 南史齊明帝賜蕭穎胄  
以常所乘白榆牛 天中記唐鳳閣侍郎李元素進瑞  
牛一頭額上有萬字 山海經岷山多夔牛注今蜀山  
中有大牛重數千斤名夔牛晉太興元年此牛出上庸

郡人弩射殺得三十八擔肉即爾雅所謂犛 蟬史俗  
稱犛牛即夔不知夔似牛一足犛牛四足夔無角犛牛  
有角夔水獸犛牛山獸也 爾雅犀牛註出巴中重千  
斤 異物志日南多駛牛日行數百里 廣志擺牛庠  
小今謂之撥牛又呼果下牛出廣州高涼縣犛牛旄牛  
也無角髀膝尾間皆有長毛可以為旄 海錄碎事梧  
州出獨峰牛土人乘騎如馬謂之角乘 廣志犛牛野  
牛也出海康項上有肉大如覆斗一曰犛牛健行者日



三百里出交州合浦 蟬史爆牛抵觸百獸故金吾仗  
刻爆牛於槩首 爾雅疏犂牛其領上肉隆起若封然  
因以名之即今之峰牛 莊子犛牛大若垂天之雲

廣志犛牛黑色出西南徼外腹下及肘皆有赤毛長尺  
餘而尾大如斗天子左纛以此尾為之出梧州 漢郊  
祀志殺一犛牛注西南夷長髦之牛也 埤雅犛牛出

西域尾長而勁中國以為纓人或射之亦自斷其尾

物類志犛牛足四節 物類相感志旄牛腹下及肘脚

皆有赤毛一尺自愛惜尾若草木鉤之則止不動解乃  
去或味其肉若酪甚美而麤種難制若欲取其乳使人  
歌於前弭然乃可取也 水東日記牦牛與封牛合則  
生犏牛狀類牦牛偏氣使然故謂之犏 一統志甘肅  
出犏牛力能載重 異物志周留水牛也毛青大腹銳  
頭青尾 鬱林異物志州留者其實水牛蒼毛豕身角  
若擔矛衛護其犢與虎為讐 廣志州留項上肉大如  
斗似橐駝日行三百里 相如上林賦沉牛註張揖曰

水牛能沒入水中 抱朴子水牛結陣而却虎 鳥獸

續考海邊山內野水牛甚狠但見生人身穿青者必趕  
來抵觸而死出占城國 物類相感志竹牛出窮朔北

方甚大力能伏虎生子於竹中虎若行近則逐迹抵觸  
林木虎驚懾而戢伏 玉堂閒話臨洮巴西至於疊宕

嶓岷之境數郡良田自祿山以來陷為荒徼其間多產

竹牛一名野牛其色純黑其一可敵六七駱駝肉重千萬斤

者其角二壯夫可勝其一每飲齧之處則拱木叢竹踐

之成塵獵人先縱火逐之俟其奔迸則毒其矢向便射之洎中鏃乃挈鍋釜負糧糗躡其踪緩逐之矢毒既發即斃踣之如山積肉如阜

一牛致肉數千斤新鮮者甚美縷如紅絲線

宋

康昨夢錄西夏有竹牛重數百斤角甚長而黃黑相間用以製弓極佳尤且健勁其近弮黑者謂之後醺近稍近弮俱黑而弓面黃者謂之玉膏夏人常雜犀角以市焉然為帶無他文但峰巒高低繞人腰圍耳為弓則貴為他則不足道也 恩平郡譜沉牛謂之回沙牛謂之

磨 羣書考索牛有二種一曰沉牛牛之善水者也一  
曰沙牛俗亦謂之黃牛 事物紺珠駝牛皮如豹蹄似  
牛長九尺高丈餘出西域 廣志麒麟牛似鹿又似羊肉  
美皮溫常處滇濱也 酉陽雜俎野牛高丈餘其頭若  
鹿其角若了戾長一丈白毛尾似鹿出西域 初學記  
引牧牛項上肉大如斗出徐門 南史扶桑有牛角甚  
長以角載物至勝二十斛 世說吳牛見月而喘 詞  
林海錯蔥臈青牛也帝耕籍田用之文選蔥臈服於縹

輓 關中記周元老子乘青牛度關 郡國志賓州

特亮縣昔有白牛夜出光影照於人見牛光號為特亮  
後魏書元仲景性嚴峭兼御史中尉每往臺駕赤牛

號赤牛中尉

相牛法 齊民要術牛岐胡有壽 岐胡牽兩腋亦分為二也 眼去角

近行駛眼欲得大眼中有白脉貫瞳子最快二軌齊者

快 二軌從鼻至髀為前軌中至髀為後軌 頸骨長且大快壁堂欲得闊 壁堂

脚股間也 倚欲得如絆馬聚而正也莖欲得小膺庭欲得廣

膺庭

天關欲得成

天關脊接骨也

僂骨欲得垂

僂骨脊骨中夾欲得下也

洞

胡無壽

洞湖從頭至臆也

旋毛在珠淵無壽

珠淵在眼下也

上池有亂

毛起妨主

上池兩角中一曰戴麻也

倚脚不正有勞病角冷有病毛

拳有病毛欲得短密若長疎不耐寒氣耳多長毛不耐

寒熱單臂無力有生癰即決者有大勞病尿射前脚者

快直下者不快亂睫者眦人後脚曲及直並是好相直

尤勝進不甚直退不甚曲為下行欲得似羊行頭不用

多肉臀欲方尾不用至地至地少力尾上毛少骨多者

有力膝下縛肉欲得硬角欲得細橫豎無在大身欲得

促行欲得如卷卷者其形側也插頸欲得高一曰體欲得緊大

賺疎肋難飼龍突目好跳又云不能行也鼻如鏡鼻難牽口方

易飼蘭株欲得大蘭株尾豪筋欲得成就豪筋脚後橫筋豐岳欲

得大豐岳膝株骨也蹄欲得豎豎如羊角垂星欲得有努肉垂星蹄上有肉

覆蹄謂之努肉力桂欲得大而成力桂常車肋欲得密肋骨欲得大

而張張而廣也髀骨欲得出僂骨上出背脊骨上也易牽則易使難

牽則難使泉根不用多肉及多毛泉根莖所出也懸蹄欲得橫



如八陰虹屬頸行千里

陰虹者有雙筋白毛骨肉頸竈公所飯

陽鹽欲廣

陽鹽者夾尾株前兩腺也

當陽鹽中間脊骨欲得窻

窻則雙脊不窻則為單脊常

有似鳴者有黃 酉陽雜俎牛三歲二齒四歲四齒五

歲六齒六歲已後每年接脊骨一節 志怪荀晞為

兗州鎮去京師五百里募得牛能日行千里晞旦發書

疏一更始竟答書已還晞以其駿快疑筋骨有異殺而

觀之唯有雙筋如小竹大自頭挾脊著肉裏故外不覺

異牛 述異記周成王時東夷送六角牛 周書成王

時大夏獻茲白牛孔晁注茲白牛野獸也牛形象齒

南越志綏安縣北有連山昔越王建德伐吳得牛其大  
千石以童男女三千人牽之既而入船俱墜於潭時時  
聞附船有騷然之聲徃徃有青牛與船俱見神靈之至  
博物志九真有神牛乃生溪上黑出時共鬪即海沸  
黃或出鬪岸上家牛皆怖人或遮之則霹靂至號曰神  
牛 玄中記大月支及西胡有牛名日及一作白及  
一作反牛牛  
以今日割取其肉三四斤明日其肉已復瘡亦愈唐

西域傳天竺其畜有稍割牛黑色角細長四尺許十日  
一割不然困且死人飲其血或曰壽五百歲牛壽如之  
寰宇記九真有糖牛形如牛而大頭白身黑角長二  
丈堪為酒器 交州記新昌穴出山犢似秦牛名糖牛  
常與蛇同穴人以鹽著手夜入坎中取之其舌滑者是  
蛇其舌燥者則牛也因引之而出焉其角如玉 西陽  
雜俎勾漏縣大江中有潛牛形似水牛每上岸鬬角軟  
還入江水角堅復出 齊地記東萊牛島上嘗以五月

海牛產乳海牛形似牛而無角騂色虎聲爪牙亦如虎  
脚似鼉魚尾似鮎魚尾長尺餘其皮甚軟可供百用牛  
見人奔入水以杖擊鼻則得之 事物紺珠海牛出文  
登海中長丈餘紫色無角性捷疾見人則飛入海其膏  
可燃皮可弓韃矢房 楊孚臨海水土記魚牛象獺大  
如犢子毛青黃色其毛似氈知潮水上下

牛異 搜神記秦文王五年游於胸衍有獻五足牛者  
時秦世喪用民力京房易傳曰興繇役奪民時厥妖牛

生五足 搜神記漢景帝中六年梁孝王田北山有獻

牛足出背上者漢靈帝延熹五年臨沅縣有牛生鷄兩  
頭四足 晉書武帝太康九年幽州塞北有死牛頭語  
按師曠曰怨讟動於人則有非言之物而言 搜神記

晉大興元年三月武昌太守王諒有牛生子兩頭八足  
兩尾共一腹不能自生十餘人以繩引之子死母活其  
三年後苑中有牛生一足三尾生而死也 朝野僉載  
先天年洛下人牽一牛腋下有一人手長尺餘巡坊而

乞 陸勲集異志武后長安中有獻牛無前膊三足而  
行者又有牛膊上生數足蹄甲皆具武太后從姊之子  
司農卿宗晉卿家牛生三角 唐五行志大歷八年武  
功櫟陽民家牛生犢二首咸通七年荊州民家牛生犢  
五足

羊

總論 說文羊祥也象四足角尾之形 周禮注羊火  
畜屬夏 周易兌為羊吳氏注羊外柔能悅草而內剛

狼故兌為羊 埤雅詩曰羊牛下來先羊後牛者羊性  
畏露晚出而早歸常先於牛故也 說文羊大則美故  
从大羸瘦也羊以瘦為病羔羊子也咩羊鳴也羴羊臭  
也 春秋繁露凡贄卿用羔羔有角而不用如好仁者  
執之不鳴殺之不啤類死義者羔飲其母必跪類知禮  
者故以為贄 晉書鄭氏婚物贄曰羊者祥也然則婚  
之有羊自漢末始也 禽獸決錄羊性淫而狠 名義  
考羊性狠愈牽愈不進其曰狼戾言不順從也 埤雅

羊每成羣則要以一雄為主舉羣聽之今俗所謂壓羣者是也北人謂之羊頭 松漠紀聞北羊不舐觸善牧者每羣必置殺羶羊數頭仗其勇得行必居前羣羊隨之 封氏聞見記凡新羊入羣為諸羊所觸不相親附火燒其尾則定 蕭大亨夷俗記羊之羔每一年一產產於春月者為佳羊有一年再產者然秋羔多有倒損之患故牧羊者每於春夏時以氈片裹羝羊之腹防其與牝羊交接也 郡國志吳房堂溪有白羊淵漢武元



封二年有白羊出此淵畜牧者禱祀之初出一羊婦人  
大驚拍手羊自此絕焉今俗生羊禁婦人拍手是效古  
也 易林羊腸九縈 易注羊無睛而能視死不瞑目

周禮內饗辨腥臊羶香之不可食者羊冷毛而毳羶  
注冷毛長毳毛結 續秘笈取羊乳俟羔能齧草驅至  
他所將牝羊每兩隻其頭相對束縛之使不動人從羊  
尾後取之取畢始解其束縛令母子相聚也 舊唐書

拂林國有羊羔生於土中其國人候其欲萌乃築垣以

環之防外獸所食然其臍連地割之絕則死惟著甲走馬擊鼓駭之其羔驚鳴而臍絕因逐水草以一二百口為羣 劉郁西使記攏種羊出西海以羊臍種土中溉以水聞雷而生臍系地中及長驚以木聲臍斷便行嚙草至秋可食臍內復有種 姚桐壽樂郊私語大漠迤西俗能種羊凡屠羊用其皮肉惟留骨以初冬末日埋著地中至春陽季月上末日為吹笳咒語有子羊從土中出凡埋骨一具可得子羊數隻此蓋四生胎外之化

也 丹房鏡源羊脂柔銀軟銅殺羊角縮賀賀錫也

留青曰札羊哀在腸形如小鼠子可治鬲食翻胃 蟬

史按牛有黃狗有寶羊有卵石俱在腹中附膽而生羊

卵白石色如玉絕類狗寶可治翻胃及羊病 物類相

感志鑄鐵不消以羊頭骨灰致之乃消融 燕北雜記

契丹行軍不擇日用艾和馬糞於白羊琵琶骨上灸灸

破便出不破便不出一云占卜每用羊髀骨以鐵錐錐

之視其兆折以決大事 丹鉛總錄元朝主中國日用

羊皮寫詔謂之羊皮聖旨 庶物異名疏草木子云北  
人殺小羊自脊上開一孔逐旋取去內頭骨肉外皮皆  
完揉軟用以盛乳酪酒湏謂之渾脫按宗晉卿舞渾脫  
公孫大娘渾脫舞長孫無忌以烏毛為渾脫氈帽皆喻  
其柔軟若無骨而脫亦謂消肉臞也 南史江東謂殺  
羊角為阜莢 格古要論花羊角多出北地黑身白花  
者高白身黑花者低作刀靶染油不滑凡刀靶瀾瀾水  
為最佳花羊角次之他物皆不及也 玄中記千歲之

樹精化為青羊 抱朴子山中未日稱主人者羊也

白澤圖羊有一角當頂上龍也殺之震死 白六帖玉

羊瑞器也鐘律調和五聲當節則見 列仙傳葛田好

刻木羊賣之一旦騎羊入蜀 五代史劉鋹四年苑中

羊吐珠樊胡子以為符瑞諷羣臣入賀

詳類 邢昺爾雅疏白粉謂吳羊也其牝者名牂云夏

羊者黑殺羶也其牡者名羴即助斌也其牝者名羶郭

璞云今人便以牂殺為白黑羊名其實白羊牝者名牂

黑羊牝者名羖羊角不齊一長一短者名觭觭捲也羊  
角捲三匝者名羴羊之黃腹者名羴羊新生未成羊者  
名羴郭云俗呼五月羊為羴詩小雅伐木云既有肥羴  
是也壯大絕有力者名奮 廣雅牡一歲曰羴三歲曰  
羴牝一歲曰特二歲曰牂吳羊牝曰羴羴羊牝曰羴羊  
子曰羴 說文羴五月生羔也羴六月生羔也羴七月  
生羔也羴羊未卒歲也羴乘羊也羴羊名也 玄中記  
羴胡羊也羴羊腊也 爾雅羊六尺為羴 博物志羊

而不角曰羖羊 太玄觥羊之穀鳴不類注觥羊大羊

也 刊繆正俗問小羊未成為旋子何答曰按呂氏字

林巽

音選

未睥羊也今言旋者語訛耳當言巽子也達亦

小羊詩云先生如達羊子易生無留難也 廣博物志

羊以正月產者為上羔仲冬產者為次羔季春以後產

者為下羔

楊膳夫錄羊有二種不可食毛長而黑壯

者曰骨羶白而有角者曰古羊皆羶臭發病羊之大者

不過五十觔奚中所產者百餘觔 本草綱目生秦晉

者為夏羊頭小身大毛長土人剪其毛為氈謂之綿羊  
瀛涯勝覽阿丹國綿羊白毛無骨於角處有兩搭圓  
頂甚異其項下如黃牛袋毛短如犬尾大如盤忽魯謨  
斯國有大尾綿羊重七八十斤其尾濶一尺餘拖地重  
二十斤狗尾羊如山羊尾長二尺餘鬬羊高二尺七八  
寸前截毛長拖地後半皆剪淨頗似綿羊角彎向前上  
帶小鐵牌好鬬好事者養之賭博為戲 事林廣記大  
食勿斯離國產胡羊高三尺餘其尾如扇每歲春時割



取脂二十餘斤再縫合仍生不取則脹死 續漢書鮮

卑國有原羊 廣志獬羊角重於肉 埤雅獬羊似吳

羊而大角角脰善鬪至死釋獸所謂驪如馬獬如羊者

卽此是也獬羊之在原不可牢畜者也一曰狀若騾而

羣行暑天塵露在其角上生草戴行愛之獨寢 爾雅

麤大羊註麤羊似羊而大角圓銳好在山崖間 寰宇

志安南高山出羚羊一角極堅能碎金剛石 埤雅

羚羊似羊而大角有圓繞蹙文夜則懸角水上以防患

語曰麋羊掛角此之謂也今以其角為馬排沫特善

本草拾遺羚羊角有神夜宿以角掛樹不著地 鳥獸

續考麋羊類羊青而大其角長一二尺有節如指極堅

勁今用以角有掛痕者良 星槎勝覽阿丹國羚羊名

九尾羊 益州方物贊龍羊出吐蕃及蜀威茂州形似

畜羊而大其角繚上重八九兩黑質而白文以為帶勝

其用亂犀 酉陽雜俎僧玄奘至西域大雪山高嶺上

有一村養羊大如驢 事物紺珠驢羊生韃靼大如驢

尾巨而厚類扇自脊至尾或重五斤皆脂以為假熊白  
能順行至數百里毛欲落如絮可線 博物志蛟羊似  
羊而無角啖之毒 急就篇顏氏注夷羊重百斤者為  
玃王應麟補注夷羊怪獸殷之衰夷羊在牧 山海經  
錢來山有獸其狀如羊而馬尾曰羝注今大月氏國有  
大羊如驢馬尾是也 涼州異物志封羊其背如駝  
本草羴羊出西北地蹄皮可以割黍 虞衡志廣西英  
州多仙茅其羊食之舉體化為筋不復有血肉名乳羊

清波雜志河北羊之頭有重百斤者 呂忱字林野

羊大角者也 本草獐羊出西番耳甚小西人謂之璽

耳 異物志月氏有羊大尾稍割以供賓亦稍自補復

廣志大尾羊細毛薄皮尾上旁廣重且十斤出康居

事物紺珠大尾羊亦名羯尾大者三斤小者一斤肉

似熊白出哈密 天中記忽魯謨斯國有靈羊尾大者

重二十斤行則以車載尾 酉陽雜俎向北有濮固羊

大而美 寰宇記梁氏志云馮翊朝邑縣許原下地有

苦泉水味鹹苦羊飲之肥而肉美今於泉側置羊牧因  
相傳謂沙苑細肋羊諺曰苦泉羊洛水漿 天中記莊  
浪有饗羊土人歲取其脂非久復滿腹 穆天子傳雷  
水之中爰有黑羊白血 道書食黃羊者仙 酉陽雜  
俎罽賓國出野青羊尾如翠色土人食之 潛確類書

北方有紅羊為世珍味 南越志尉佗之時有五色羊  
以為瑞因圖之府廳 王會圖高夷貢獐羊四角 述  
異記周成王時東國進六角羊周厲王元年前國進三

角羊 後漢書蜀復山郡有五角羊 北史吐谷渾拾  
寅通使於宋獻四角羊

別名 曲禮凡祭宗廟之禮羊曰柔毛 古今注羊一

名長髯主簿 述異記古人說羊一名胡髯即又名青

鳥 紺珠羊一名白石道人又同州佳羊名細肋卧沙

又李栖筠家稱羊為獨筍子 仇池筆記王中令賦蒸

豚詩若把羶根來比並羶根自合喫藤條羶根羊也亦

名卷婁莊子謂舜為卷婁以其有羶行也 李朝威柳

毅傳毅遊涇陽遇婦人牧羊道畔自言是洞庭龍君小女毅問牧羊何所用神祇豈宰殺乎女曰非羊也雨工也何謂雨工曰雷霆之類也毅復視之則皆矯顧怒步飲齧甚異而大小毛角則無別羊焉

羊異 韓詩外傳魯哀公穿井得土羊公懼孔子曰臣聞水之精為玉土之精為羊是羊肝必土殺羊視之果然 國語季桓子穿井獲一土缶中有羊焉使問仲尼對曰水石之怪夔魍魎水之怪龍罔象土之怪曰墳羊

山海經泰山有羴狀如羊一角一目目在耳後自呼  
其名 淮南萬畢術阿羊九頭而更食國亂乃出 晉  
書成帝咸和二年五月司徒王導廐羊生無後足此羊  
禍也 隴州圖經隴州汧源縣有土羊神廟昔秦始皇  
開御道見二白羊鬪遣使逐之至此化為土堆 述異  
記梓樹之精化為青羊五百年而紅五百年而黃又五  
百年而色蒼又五百年而色白 搜神記漢齊人梁文  
家有神祠座上施阜帳後因祀事帳中忽有人語自呼



嵩山君文納手帳中得持其頤髯鬚甚長文漸繞手卒然引之而聞作羊聲文引之出乃袁公路家羊也神仙傳黃初平年十五家使牧羊見白石叱之石起成羊數萬頭搜神記南陽宗定伯夜行忽逢一鬼問鬼何畏曰鬼唯不喜唾耳便擔鬼著頭上詣宛市鬼化為羊伯恐其變遂唾之因賣得錢千五百

格致鏡原卷八十六